

ուեցաւ, ու կը պահէին Բաղաամի խօսքերն ու սրտ-
մոռթխմաները զօր ան խօսած էր Բաղաակին՝ Իսրայէլի
համար. այս աւանդագիտութեան եւ աստղագիտու-
թեան կը սպասէին մոգերը . . . :

« . . . Մոգերը կը տեսնէին աստղին գնացքը եւ
ծագումը, ու անոր միջոցաւ կը փութային գալ եր-
կըրպագելու նորածին թագաւորին : Այս սքանչելի
աստղին երևումը կը շարժէր, և երբեմն կը դադրէր
և շեղակի կը շրջագայէր, մոգերուն ճամբորդած պա-
հուն կ'առաջնորդէր, անոնց կեցած ժամանակ կը կե-
նար, թէ՛ հիւսիս և թէ՛ հարաւ ճանապարհը կը բե-
կանէր, մոգերուն ճանապարհը աջ ու ձախ տարու-
բերեալ կը դառնար և անոնց մօտ կենալով՝ կ'առաջ-
նորդէր : Յայտնի էր թէ ան աստղ մը չէր, այլ ան-
մարմին երկնային զօրութիւն մը՝ որ անոնց խնդրան-
քին համաձայն աստեղանման ձև մը առած էր ու նո-
րածին թագաւորին կ'առաջնորդէր : Աստղը բերաւ զա-
նոնք երուսաղէմ, Քրիստոսի անձառելի ծննդեան մար-
գարէները վկայ կոչելու համար աստղը աներեւոյթ ե-
ղաւ մոգերէն, որոնք տեղին ծանօթ չըլլալով՝ քա-
ղաք մտան և հարցուցին նորածին թագաւորին տեղը :
Երբ Հերովդէս լսեց այս լուրը՝ չարութեամբ վարա-
նեցաւ : Այլազգի էր ան Եգիպտայեցի, որդին՝ Անտի-
պատրոսի և չէր կրնար ժառանգել Հրէից թագաւո-
րութիւնը, որովհետեւ Դաւթի ցեղէն չէր, բռնութեամբ
առած էր իշխանութիւնը կայսեր կողմէ, ազգահա-
մարը խարդախելով՝ խաբէութեամբ ինքզինքը Դաւթի
ցեղէն կը ներկայացնէր, ու գիտակ ըլլալով իր ստու-
թեան՝ Տիրոջ ծնունդէն զարհուրելով տրտմեցաւ . . .
Այն առեւն մոգերը ճամբայ ելան Եփրաթայի կողմը,
և արեւածագին տեսան աստղը որ զիրենք կ'առաջնոր-